

INUIT ATAQATIGIIT INATSISARTUNI



UKA22/98

Hans Aronsen

23.11.2022

Kalaallit Nunaata kitaata annersaani, saarullinnik aalisarnerup inuussutissarsiutaanera pingaarutilerujussuuvoq. Nunattalu saarullia itinerusumi aalisangaasoq ullormut nerisassatut piliassatullu pitsaasutsimigut kalaallinit piumaneqarluartuuvoq. Saarullillu ikerinaasiortoq ukiut qulikkaani ataatsimiik pingasunut akuttutigisumik takkusimaarluartartoq, takkusimaartillugu bundgarnersorluni aalisarneqartartoq tunisassiarissallugu nerpimmigut pitsaassusaa pitsaasuunngitsoq allatut iliorluni tunisassiarisinnanera ukiut kingulliit ilisimasaqarfigineqarneruleriartornera matuma oqallisissiap oqallisignissaanut piffissaq eqquineruvoq.

Oqallisissiamillu matuminnga qaqitsisutit aataqqii Siverth K Heilmann qaqitsininnut pitsaasumut peqataalluarniarpugut.

Sumiluunniit avammut tunisassianik misileraalluni ilisimatusarneq amerlasuutigut periarfissanik pitsaasunik ammaassisarpoq. Pingaartumik attuumassuteqartuni tamani peqataaffigineqarluartumik ingerlakkaanni, tamanit iluanaarutaasumik periarfissiisoqarsinnaanera qulakkeerneqarsinnaasoq Inuit Ataqatigiit upperilluinnaripput oqallisissiortumut oqaatigissuara.

Uumatitsivilersorluni saarullinnik avammut tunisassiassanik misileraaneq iluatsissinnaavoq, nunatsinniillu tunisassianik pitsanngorsaanermik pingaartumillu aalisartunut iluanaarutaasinnaasumik ineriartortitsinissaq inuit Ataqatigiit pingaartupilussuartut isigiuarsimavarput.

INUIT ATAQATIGIIT INATSISARTUNI



Ukioq manna nunatta avammut tunisaani siuariartorneq pitsaaneruleriartortoq nalunaarutikkut paasisimalerpagut. Tamanna susassaqtunut tamanut pitsaasumik suleqataanikkut sunniuteqarsinnasoq naatsorsuutigilluinnarpara. Tamannalu susassaqtunit tamanit akisussaaffiliisutut paasineqassasoq innersuussutingalugu.

Taamatut ineriartorneq isigigaanni susassaqtut akornanni annertuumik piunasaqarneruvoq tamanullu akisussaaffiliisoq Inuit Ataqatigiit isumaqarpugut.

Aasaq manna Aningaasaqarnermut akileraartarnermullu ataatsimiititaliami Maniitsumut angalanitsinni RG-mut pulaarnitsinni paasissutissiiffiqineqarnitsinni pissarsiaqarfigilluarpara. Suliffissuarmiillu iluaqutaasut ajoqutaasullu paasissutiissutaasullu malinnaaffiginerini annertuumik susassaqtuni tamani akisussaaffiliisutut uangattaq tinguara.

Pisussaaffiit pimoorullugit suliarineqartariaqtutut isigisat:

RG Maniitsumiik saqqummiunneqtut uteqqinngikkaluarlugit, Inuit Ataqatigiinniik makkuninnga akissuteqassaagut.

Ungusivinnik (Bundgarninik) atuinermi kommunit pitsaalluinnartumik ileqqusaliornikkut malitassaliornermik sinaakkusersuisartut, uumatitsiveqalernikkut suliaasaqarfigilersut aalisartunik suleqarteqarlutik saarullit uumatsitivinni nakkutigilluarneqartariaqarneranik aammalu sumiiffinni uumatsitivinnik inissiiffiusussanik saarullit toqoraratik passunneqarfigisinnaasaannik kommunit torrallataasunik pisarnermissut malitassiortariaqtut kajumissaarneqartariaqtut isumaqarpugut.

Ileqqoreqqusaliornermilu RG kommunillu saarullinnik uumatsitivissorluni ingerlataqarfiusut suleqatigiilluartariaqtut, imaluunniit naalakkersuinikkut nalunaarusiornikkut, uumatitsivissorluni saarullinniarfiusuni toqorartoonissamik siornigiilluni tunissassiaasanut pitsaanerpaamik

INUIT ATAQATIGIIT INATSIARTUNI



avammullu niivernermi illersorneqarsinnaasunik malitassiornissaq
pisariaqarsorinarpoq, tamannalu kommunit naammassilluarsinnaagaat
qalarinngilarput.

Aalisartullu peqatigiiffiisa peqatigilluinnarlugittaaq ingerlanneqartariaqartoq
kissaatigilluinaripput oqaatigissarput.

Uumatitsivissornermilu susassaqtartut pitsaanerpaamik anillaaffissaqarneq
akunnerminni piginnaasatik ilisimalikkatillu aallaavingalugit
suleqatigiissutigippassuk, angusaqarluarnissaq qularnaarsinaammassuk
upperilluinnarparput.

Ilisimalikkallu iluaqutaasinnaasut avitseqatigiissutiginerisa kingunerisinnaasai
qularinngisagut tassaasinnaammata. Attuumassuteqartuni allani soorlu
sulisartuni, ilaqutariinni, kommuneni inuiaqatigiinnilu iluaqutaalluarsinnaasut
Inuit ataqatigiinniik isumaqarpugut.

Oqallisissiamut taamatut oqaaseqarluta tapersiillutalu, oqallisissiamut
saqqummiussamut qujavugut.